

# access

Mied d'instrucziun da romontsch  
per la scola populara dalla Surselva

**Sligiaziuns**

6

Ortografia



**Mied d'instrucziun da romontsch  
per la scola populara dalla Surselva**

### **Ortografia dalla 6. classa**

Autur Christoffel Nay

Illustratura Nadia Cathomas-Sgier

Grafica frontispezi Grafikdeal

Transcripziun en InDesign Gion Tenner, Sandro Tomaschett

Programmaziun pagina Marc Thoma  
d'internet e concepziun Moodle

Sustegn linguistic e lectorat Alexi Decurtins

Ulteriuras lavurs da tut gener Ils commembers da suprastanza ed il secretariat  
PRO IDIOMS SURSELVA

Responsabel general per Adrian Cathomas  
l'informatica e per Moodle

Menader general dil project Francesc Friborg

Dretgs d'autur PRO IDIOMS SURSELVA

Da retrer [www.access.ac](http://www.access.ac)

Contact [surselva@access.ac](mailto:surselva@access.ac)

Fotografias frontispezi Motiv: Scolara dalla 6. classa / Val Plattas  
Fotograf: Gion Tenner



# Cuntegn ortografia

Plaids che semeglian in l'auter .....	4
La midada dil vocal.....	8
Il verb.....	9
Ils accents .....	10
Cu nus scrivin grond .....	12
gl dir ni lom.....	18
Repetiziun .....	20



Ei dat plaids che semeglian in l'auter, mo sedistinguan en pronunzia, ortografia e senn (enzacons exempels)

il von – il vonn

il pégn – il pègn

la posa – la possa

la casa – la cassa

il salid – il salit


la sigir – segir

vit – vid

dat – dad



car – il carr



buca – la bucca

il mun – il munt – il mund

il pér – il pèr – per

Fai diever dil vocabulari! Leu anflas las explicaziuns dils plaids!

**Pensum:** Cumplete scha las construcziuns cun agid dils plaids dalla tabella!

1. Ils **vons** schurmegian ils mauns encunter la ferdaglia.
2. Pigl alpinist blessau ei l'arrivada dil helicopter stau siu **salit**.
3. Sil crest sur il vitg stattan bialas **casas** da vacanzas.
4. Miu padrin Pieder e miu bab ein aschi dalla medema **posa**.
5. Il vitg da Trun schai el **vonn** dalla val.
6. Enstagl daners dat el si'ura sco **pègn**.
7. Nus scolars paghein mintga meins ina pintga summa en nossa **cassa** da viadi.
8. In proverbi di: oz en **possa**, damaun en fossa.
9. Ei **dat** situaziuns nua ch'ei tucca **dad** agir immediatamein.
10. Gl'igniv sut nies tetg era in di **vits** e bandunaus.
11. La **sigir** ei in uaffen fetg **malsegir**.
12. Fai **buca** quitaus e pren buca il **mund** si dies!
13. In **pèr pérs** ein gia curdai dil pirer.
14. Ils luvrers pendan differents **carrs** da viafier vid la locomotiva dil tren.
15. La brev finescha cun cordials ni sincers **salids**.
16. La mumma va en stizun **per** paun e latg.
17. Il pur ha buca grond plascher, sch' ei dat sin siu prau memia biars **muns** talpa.
18. Tschontscha mai cun **bucca** pleina!
19. Suenter il stemprau ei in **pégn** sederschius sin la via da cuolm.
20. Nus cartein franc e **segir** ch'igl alpinist tuorni saunamein a casa.

<i>car</i>	<i>pèr</i>	<i>mun</i>	<i>pègn</i>	<i>salid</i>
<i>von</i>	<i>posa</i>	<i>salit</i>	<i>vonn</i>	<i>casa</i>
<i>pégn</i>	<i>dat</i>	<i>sigir</i>	<i>possa</i>	<i>cassa</i>
<i>dad</i>	<i>malsegir</i>	<i>pèr</i>	<i>vit</i>	<i>buca</i>
<i>mund</i>	<i>bucca</i>	<i>pér</i>	<i>carr</i>	

Ils suandonts plaids han pliras muntadas:

*la tschera – la costa – la nav – la cruna – gl'accord - l'enzenna – la roda – l'unfrenda – la feglia – il pass – il cussegl – igl artechel*

**Pensum:** *Tschenta ils plaids correctamein ella largia!*

1. Il scolast tschenta ils cudischs sin **la cruna**
2. Silla **costa** dalla vart sulegliva ei la neiv gia naven.
3. Tgi vegn en **roda** da schubergiar las tablas?
4. Vid ils mirs dalla **nav** da nossa baselgia pendan custeivels maletgs.
5. Il tiaratriembel en China ha caschunau numerusas **unfrendas**.
6. Tgei **tschera** stuein nus dar si per quella neiv bletscha?
7. L' **enzenna** da damonda ei in segn d'interpuncziun.
8. Il giugadur da ballapei ei ruclaus ed ha rut en ina **costa**.
9. Miu frar fa si ina **tschera** sc' ina vischnaunca barschada.
10. En tgei **enzenna** eis ti naschius?
11. Dumengia proxima vegn priu si in' **unfrenda** pils orfans.
12. Il scolast va buca d' **accord** cun quella risposta.
13. Oz, duront l'ura da gimnastica vein nus exercitau la **roda** vid il rec.
14. Tell ei siglius ord la **nav** e svanius egl uaul.
15. Pli baul purtava il retg dalla tiara ina **cruna** sin tgau.
16. Igl **accord** dalla canzun ei buca schubers!
17. Davon mintga substantiv stat savens in **artechel**.
18. Il **pass** Lucmagn meina nus el Tessin.
19. Il **cussegl** da vischnaunca seraduna tier ina sesida extraordinaria.
20. Gl'atun ei la **feglia** dil triembel melna sco aur.
21. Nus dumandein nies scolast per plaid e **cussegl**.
22. Cun **pass** segirs camina igl alpinist viers il cuolm.
23. La **feglia** da mi'onda ei mia cusrina.
24. Calzers da viandar ein in **artechel** che vegn vendius fetg savens.

el cuora	—	nus currin
el siara	—	nus serrein
curclar	—	el cuarcla
el stat	—	els stattan
el dat	—	els dattan
cuzzar	—	ei cuoza
tuccar	—	nus tuchein
sluccar	—	nus sluchein
sfraccar	—	nus sfrachein
smaccar	—	nus smachein
better	—	el ha bess
metter	—	el ha mess
la trufla	—	il truffel
la cufla	—	il cuffel
la sufla	—	il suffel
La Svizra	—	il Svizzer

**Dictat:**

Smanatscha in stemprau currin nus immediat en casa e serrein escha e finiastras. Il bia cuoza quella malaura buca ton ditg. Igl urezi s'annunzia il pli savens cun in ferm suffel. Ils cavals stattan sin pastira e laian plover. Suenter ina calira gaudan els la plievgia. Plievgia cuzzonta slucca il terren. Ordlunder neschan lu sbuaus e bovas. Pli baul tuccava ei da stuornas da gronda malaura. Ozildi tuchein nus buca ils zenns per derasar informaziuns. Auters mieds vegnan mess a disposiziun.

Da grondas nevadas smanatschan lavinas. Il suffel els autls fuorma cuflaus ed ordlunder neschan lavinas. Quellas sfraccan a val e derasan tema e sgarschur.

**Pensum:** *Prepara quei text per in dictat da circuit!*



Ei setracta savens d'ina sempla midada dil vocal. Enquera in plaid ord la medema famiglia da plaids! (substantiv, verb ni adjектив)!

		<i>substantiv</i>	<i>verb</i>	<i>adjектив</i>
1.	il fem	la fimera	fimar	fimont
2.	il petg	il pitgem	pitgar	pitgont
3.	la plonta	la plontina	plantar	plantau
4.	la pleiv	il plevon		
5.	il laud	il ludem	ludar	ludeivel
6.	la tiara	il tiaratriembel	terrар	terrester
7.	la meisa			
8.	il maun	il manut	manevrar	manual
9.	la meila	il meiler		
10.	la faulda		faldar	faldau
11.	la faultsch			
12.	il pirer	il pér		
13.	il sault	il saltunz	saltar	salont
14.	il clom	la clamada	clamar	clamont
15.	il cumpogn	la cumpignia	accompagnar	accompignont
16.	trest	la tristezia	cuntristar	trest
17.	plaun	la plaunadad	planentar	plaun
18.	biala	la bellezia	embellir	bi
19.	nizeivel	il nez	nezegiar	nizeivel
20.	terrester	la tiara	terrар	terrester

## 1. Verbs impersunals:

cuzzar:	ei <b>cuoza</b>
vanzar:	ei <b>vonza</b>
capitar:	ei <b>capeta</b>
digrar:	ei <b>daghira</b>
never	ei <b>neiva</b>
smuschignar:	ei <b>smuschigna</b>



## 2. Verbs irregulars:

a) consonanza dubla el plural!

sittar:	jeu <b>settel</b>	nus <b>sittein</b>
cuorer:	jeu <b>cuorel</b>	nus <b>currin</b>
stuppar:	jeu <b>staupel</b>	nus <b>stuppein</b>
serrar:	jeu <b>siarel</b>	nus <b>serrein</b>

b) *g ni gh / c ni ch*

rugar:	jeu <b>rogel</b>	els <b>rogan</b>
marcar:	jeu <b>marcheschel</b>	els <b>marcheschan</b>

c) 3. persuna el plural ha consonanza dubla!

dar:	el <b>dat</b>	els <b>dattan</b>
star:	el <b>stat</b>	els <b>stattan</b>

d) senza i ell' emprema persuna singular e plural

zambergiar:	jeu <b>zambregel</b>	nus <b>zambergein</b>
malegiar:	jeu <b>malegel</b>	nus <b>malegein</b>

**Pensum:** *Fuorma cun mintga verb ina construcziun!*

Il lungatg da scartira enconuscha treis accents:

- |                              |                            |                    |
|------------------------------|----------------------------|--------------------|
| a) Igl accent lev (é)        | il pér, il spért, il fussé | (in e serrau)      |
| b) Igl accent grev (è,à, ò)  | il pèr, il vallà, il totò  | (in e ni o aviert) |
| c) Igl accent circumflex (î) | che nus vegnîen            |                    |

### **1. Igl accent lev ed igl accent grev**

a) *Medema scripziun, differenta pronunzia e muntada!*

il péz	(die Spitze)	il pèz	(die Brust)
il pégn	(die Tanne)	il pègn	(das Pfand)
la pédra	(die Wanze)	la pèdra	(der Edelstein)
il pér	(die Birne)	il pèr	(das Paar)
il létg	(der Schleck)	la lètg	(die Ehe)
il caffè	(der Kaffee)	il caffé	(das Kaffeehaus)

b) *Sch'ils plaids appartegnan a differentas specias da plaids, tschentein nus mo sin in igl accent:*


il spért	(der Geist)	spert	(schnell)
detg	(gesagt)	dètg	(tüchtig)
pér	(erst)	per	(für)
igl èr	(der Acker)	er	(auch)

c) *Igl accent lev ni grev duvrein nus era per accentuar la silba:*

il fussé	il vallà	il canapè (é)
il caffè (é)	igl otgà	juhè
il schualà	il cumà	en in gienà
il buntadé		

## 2. Igl accent circumflex vegn duvraus per indicar igl i liung alla finiziun dil conjunctiv:

finir	che nus finîen
vegnir	che nus vegnîen
scriver	che nus scrivîen
viver	che nus vivîen



**Pensum:** Cumpletecha las construcziuns cun agid dils plaids dalla tabella!

Ils **èrs** da graun ein bunamein svani da nossa cultira.

Il **pégn** d'untgida sedosta encunter mintga stemprau.

La **péra** da nies pirer ei dultscha e savurusa.

Il scolast manegia che nus **finîen** segiramein il pensum entochen pausa.

Pli baul buentavan ils purs lur animals al **buntadé**.

Il tgaun suonda siu patrun sc'in **totò**.

Il **letg** dil flum astga buca vegnir devastaus ni destruius.

La **pèdra** digl ani da mia mumma ei fetg custeivla.

Star **pègn** vul dir star buns per ina caussa.

Gl'unviern proxim cumprel jeu in **pèr** skis novs.

Il bab manegia che nus **vegnîen** segiramein memia tard, sch'ei regi sin via in tal traffic.

Suenter gentar fa nies bab in cuort cupid sin **canapè**.

finîen	buntadé	èr	canapè
totò	letg	pégn	pèdra
péra	pèr	vegnîen	pègn

**Dictat:** Prepara quei dictat sco dictat da partenari.

1. Il bab ei dil meini che nus temîen forsa da durmir persuls si mises (cuolm)
2. En in gienà ei il cavriel svanius egl uaul. 3. Jeu drovel in pèr calzers novs per ir a viandar. 4. La mumma ei dil meini che nus vegnîen ad uras a scola, sche nus prendeien la via cuorta. 5. Ozildi cumprein nus mo pli pérs electrics da spargn. 6. Il bostgè ha derschiu il pégn agl ur digl uaul. 7. Suenter gentar beiban mes geniturs il bia in caffè. 8. El vallà sur tegia pasculavan ier endamaun treis bials cavreuls. 9. Il mèl d'aviuils ei fetg sanadeivels. 10. La pèdra ei custeivla, la pédra denton nuscheivla.

## 1. Nums sempels

Igl ei enconuschent a ti che nus scrivin grond:

- all' entschatta dalla construcziun
- suenter in punct
- suenter in'enzenna d'exclamaziun ni da damonda.
- suenter il punct dubel
- all'entschatta d'in discours direct eav.



Plinavon scrivin nus grond:

### a) Nums da persunas, da famiglia, d'animals e da caussas

Maria, Gieri, Dumeni, Casanova, Candinas, Sgier  
Bello, Laica, Fido, Rivella, Coca Cola, Fiat, Subaru, Skoda

### b) Nums geografics: beins, vitgs, marcaus, regiuns, cantuns, tiaras, alps, flums, lags mars etc.

Quadra, Tscheeps, Con, Munt, Schlans, Mustér, Glion, la Surselva, il Grischun, la Svizra, la Frontscha, l'Europa, Nadels, Naustgel, Igl En, il Ticino, Il Lag Rivaun eav.

### c) Nums da pievels

Ils Romontschs, ils Sursilvans, ils Grischuns, ils Svizzers, ils Austriacs, ils Chines etc.

### d) Nums da fiastas e firaus religius

Daniev, Pastgas, Anceinza, Tschuncheismas, Nadal, Rogaziun federala eav.

**Pensum:** *Scriva grond nua ch'ei cunvegn e tschenta l'interpuncziun!*

In mail si da turitg

onda anna che habitescha a Turitg scriva : jeu giavischel a tuts in bi nadal co varga ei leusi ha sereina gia entschiet a luvrar si caischavedra ei igl andriu staus giu cuera a cumprar in schenghetg pil bab e la

mumma ha ei dau empau neiv sillas vacanzas lu pon ils tessines sul lucmagn ils tudestgs van pli bugen ell' austria a far vacanzas leu ein ils prezis favoreivels ils svizzers passentan lur vacanzas en tiaras pli cauldas l' asia vegn favorisada da pastgas cu igl ei pli cauld vegn lu iu cun skis ils sursilvans fan las vacanzas d'unviern a casa entuorn pastgas fetsch ina viseta selegrel da veser vus puspei Per oz cordials salids onda anna

## **2. Nums cumponi**

Nums cumponi secumponan da plirs elements

### **a) Nums cumponi da dus substantivs scriva grond!**

Péz Mundaun, Val Schons, Val Sumvitg, Péz Russein, Via Alpu, Via Pustget eav.

### **b) Scriva grond ils plaids cumponi, sch'il substantiv fuorma la secunda part dil num!**

Veder Testament, La Punt, Denter Auas, Sogn Benedetg, Sut Baselgia

### **c) Sch'il substantiv fuorma l'emprema part dil num, scriva mo quel grond!**

Svizra franzosa, Engiadina bassa, Mar mediterrana, Alp dado,

### **d) Scriva grond tuttas titulaziuns**

Cussegli da scola, Cumissiun da baghegiar, Calender da mintgadi,

Novitads ord la gasetta

**Pensum:** *Scriva grond nua ch'ei sedamonda!*

- Il Cussegl da vischnaunca serimna gliendisdis proxim per sia emprema sesida d'atun. En quella sesida vegn la Cumissiun da bagheggiar eligida.
- Il Chor da vallada Lumnezia festivescha uonn il giubileum da 75 onns. Quella festivitat ha liug la fin da matg a Vella.
- En Val Sogn Pieder ei in alpinist sedisgraziaus grevamein ed ha stuiu vegrir transportaus culla Rega el spital da Glion.
- Vid il binari dalla Viafier retica denter Mustér e Trun ston differentas reparaturas vegnir fatgas. Quei vegn a caschunar impediments da traffic.
- A Trun ha la Banca cantunala saviu retrer las novas localitads. La sonda vargada ein ellas vegnidas inauguradas.
- En Val Russein vegn il lag da fermada sanaus. Il mir dil lag vegn alzaus e la capacitat d'energia augmentada. Ord quei motiv vegn la via naven dalla Punt Russein sanada.
- La Camona dil Terri ha puspei saviu augmentar il diember da frequenza. Il territori dalla Greina ei in liug preferiu pils turists. Il Plaun dalla Greina ei contonschibels da pliras varts: sul Pass Diesrut, neu dalla Val Sumvitg, sul Pass dalla Greina sco era naven dalla Camona da Medel.
- 2022 vul il Grischun organisar giugs olimpics a Tavau e Sogn Murezi. Ils votants grischuns vegnan a decider all'urna sur da quei eveniment. El mument van ils meinis pro e contra aunc fetg in ord l'auter.





## Enconuschas la geografia dalla Surselva?

Naven dalla Val Tujetsch meina il **Pass Alpsu** ad Ursera (Andermatt).

Tras la Val Lumnezia flessegia il **Glogn**.

Il pli ault cuolm dalla Surselva ei il **Péz Tödi**.

En las duas vischnauncas sursilvanas da **Sursaissa** e **Val Sogn Pierer** vegn plidau tudestg.

Il Pass dalla Lembra (Kistenpass) ei il cunfin denter **Glaruna** e **Grischun**.

Il Rein anterier nescha ord il **Lag da Tuma** al pei dil **Péz Badus**.

Viandein nus naven da Sedrun tras la Val Strem, contonschein nus sur il

**Pass dallas Cruschs** la Camona digl Etzli.

La **Cadi** dumbra ussa mo pli sis enstagl siat vischnauncas.

**Pensum:** *Scriva ils plaids da sligiaziun correctamein ella largia!*

pass alpsu	val sogn pierer	lag da tuma	pass dallas cruschs
cadi	grischun	péz badus	péz tödi
glaruna	sursaissa	glogn	

**Pensum:** *Scriva grond quei che sedamonda!*

a) La stad ha il martin mussau a mi la cavorgia dalla ruinaulta. Giu la punt s'uneschan il rein anterius ed il rein posterius. Has era gia fatg bogn el lag la cauma? Suenter pastgas ei la sora serendida ella svizra taliana. Il parc naziunal sesanfla denter l'engiadina bassa e la val müstair. Ils scolars fan bugen excursiuns cun la viafier retica . La primavera vargada ein els schizun carrai cun la viafier federala sper il lag rivaun ora. Nos hospes da vacanzas visetan bugen las muntognas dil grischun. Ils tudestgs e hollandes entupein nus fetg savens, cunzun denter nadal e daniev. Biars svizzers passentan lur vacanzas alla mar mediterrana, en frontscha ni era ella grecia. Ils grecs ein loschs da lur cultura antica.

Il vischin murezi fa pli bugen politica. El ei commember dil cussegli grond da nies cantun. Igl onn vargau eis el vegnius eligius president dall'uniun da catschadurs. Cons commembers dumbra la regenza grischuna? Ella quotidiana hai jeu legiu ch'ils sursilvans hagien dominau la cuorsa da velo. Quella ha menau viers il pass lucmagn.

## b) In telefon a casa

Il rest ch'ei a tavau en sesiun telefonescha ual alla mumma: „Jeu giavischel a vus tuts legreivlas fiaschas da nadal. Tgei fa il pign gion? E la gada, empren ella pulit en scola? Co vai cun igl aug clau e l'onda tina? Gie, nus vein cheu il hotel plein hospes, tudestgs, franzos, engles e perfin americans. Igl ei bien che jeu hagi empriu franzos ed engles! Il portier che lavura cun mei ei era in romontsch! In da mustér. Lu stei cun diu! Jeu scrivel aunc avon daniev!“

## c) Scriva era cheu grond quei che sedamonda!

Il cussegli grond serimna gliendisdis proxim per sia emprema sessiun d'atun. Gio il secund di vegn el ad eleger las differentas cumissiuns e la dertgira cantunala.

La viafier retica ha obtenu igl onn vargau duas locomotivas novas culs numbs grischuna e curia.

Ella val sumvitg ha in orcan fatg la jamna vargada gronds donns vid baghetgs ed uaul.

Avon dus dis ei in turist engles sedisgraziaus mortalmein al péz durschin. Zacons alpinists turitges han anflau la bara e transportau quella a breil. Ils americans ein setschentai igl onn 1969 sin la glina.

### Scriva grond quei che sedamonda (sligiaziun a)

La stad ha il Martin mussau a mi la cavorgia dalla Ruinaulta. Giu La Punt s'uneschan il Rein anterier ed il Rein posteriur. Has era gia fatg bogn el Lag la Cauma? Suenter Pastgas ei la sora serendida ella Svizra taliana. Il Parc naziunal sesanfla denter l'Engiadina bassa e la Val Müstair. Ils scolars fan bugen excursiuns cun la Viafier retica . La primavera vargada ein els schizun carrai cun la Viafier federala sper il Lag Rivaun ora.

Nos hospes da vacanzas viseten bugen las muntognas dil Grischun. Ils Tudestgs e Hollandes entupein nus fetg savens, cunzun denter Nadal e Daniev. Biars Svizzers passentan lur vacanzas alla Mar mediterrana, en Frontscha ni era ella Grecia. Ils Grechs ein loschs da lur cultura antica.

Il vischin Murezi fa pli bugen politica. El ei commember dil Cussegl grond da nies cantun. Igl onn vargau eis el vegnius eligius president dall'Uniun da catschadurs. Cons commembers dumbra la Regenza grischuna? Ella Quotidiana hai jeu legiu ch'ils Sursilvans hagien dominau la cuorsa da velo. Quella ha menau viers il Pass Lucmagn.

### In telefon a casa (sligiaziun b)

Il Rest ch'ei a Tavau en sesiun telefonescha ual alla mumma: „Jeu giavischel a vus tuts legreivlas fiastas da Nadal. Tgei fa il pign Gion? E la Mengia, empren ella pulit en scola? Co vai cun igl aug Clau e l'onda Gada? Gie, nus havein cheu il hotel plein hospes: Tudestgs, Franzos, Engles e perfin Americans. Igl ei bien che jeu hai empriu franzos ed engles! Il portier che lavura cun mei ei era in Romontsch! In da Mustér. Lu stei cun Diu! Jeu scrivel aunc avon Daniev!“

### Scriva era cheu grond quei che sedamonda! (sligiaziun c)

Il Cussegl grond serimna gliendisdis proxim per sia emprema sessiun d'atun. Gia il secund di vegn el ad eleger las differentas cumissiuns e la Dertgira cantunala.

La Viafier retica ha obtenu igl onn vargau duas locomotivas novas culs numbs Grischuna e Curia.

Ella Val Sumvitg ha in orcan fatg la jamna vargada gronds donns vid baghetgs ed uaul.

Avon dus dis ei in turist engles sedisgraziaus mortalmein al Péz Durschin. Zacons alpinists turitges han anflau la bara e transportau quella a Breil. Ils Americans ein setschentai igl onn 1969 sin la glina.

**alla fin in «gl» lom:**

Cumpletecha!

il tagl	ils tagls		

**SLIGIAZIUN INDIVIDUALA**

**suenter in «gl» lom amiez il plaid suonda in i:**

Cumpletecha!

verbs:

l'ureglia	las ureglias	siglir	el seglia

**SLIGIAZIUN INDIVIDUALA**

**avon a, e, o, u tuna il «gl» dir**

Cumpletecha!

verbs:

l'orgla	las orglas	berglir	
		negligir	

**SLIGIAZIUN INDIVIDUALA**

1. Nus fagein il poet. Scriva in plaid che tuna semegliont!

battagl

vegls

canaglia

caveglia

caga

seglia

2. Fai ina sempla rema!

Il scalin cun battagl

vilenta pur e cavagl

3. Ei maunca adina in plaid cun gl

Il cavalier enquera siu **cavagl**.

Sin pastira sesanfla in **begl** per buentar il muvel.

Metta si capetscha, schiglioc suvegns ti mal las **ureglas**.

La mumma reparta la suppa els **tagliors**.

La meisa ei cuvretga cun ina custeivla **tuaglia** alva.

Egl asil vegnan ils carstgauns **vegls** tgirai cun bien quitau.

Il **fumegl** fa ora la lenna e **caveglia** ella en clavau.

Quei tè cauld fa bein al magun ed alla **beglia** che dola.

Mia sora ha schau tagliar giu ses bials **cavels** tschuors.



begliafumegltagliorscavegliabeglveglsurvegliastuagliacavegl



**1. Pensum:** *Enquera antonims (plaids cuntraris) che cuntegnan adina ina consonanza dubla!*

*Fai diever dil vocabulari fundamental da A. Spescha!*

1.	fallir	cc -> tuccar
2.	defender	tt/cc -> attaccar
3.	alzar	ss -> sbassar
4.	il surpassadi	ss -> il sutpassadi
5.	cussegliar	ss -> discussegliar
6.	entrar en uffeci	ss -> passar ord igl uffeci
7.	spiarder	tt -> cattar
8.	miserabel	ll -> excellent
9.	il crest / tgiembel	pp -> la foppa
10.	calmar	rr -> irritar
11.	lungurus	ss -> interessant
12.	tup	ll -> intelligent
13.	igl optimist	ss -> il pessimist
14.	activ	ss -> passiv
15.	igl orient	cc -> igl occident
16.	la fleivlezia	ss -> la pussonza
17.	semnar	cc -> raccoltar
18.	alzar	ss -> sbassar
19.	destruir	ff -> ???
20.	arver	rr -> serrar
21.	reparar	cc -> sfraccar
22.	stender	cc -> smaccar



**2. Pensum:** Noda ils sinonims! Els cuntegnan adina ina consonanza dubla.

Fai diever dil vocabulari fundamental da A. Spescha!

1.	tener tschelau	pp -> zuppentar
2.	scurlar	cc -> zaccuder
3.	dacheudenvi	ss -> uss(a)
4.	la persuna d'uffeci	ff -> igl ufficial
5.	l'industria da jasters	ss -> il turissem
6.	la miscalca	tt -> la tschutta
7.	il cumà	tt -> la tualetta
8.	gartegiar	cc -> tuccar
9.	pigliar	ff -> tschaffar
10.	sgurghigliar	ll -> fierer stgellas
11.	ir el trot	tt -> trottar
12.	mundan	rr -> terrester
13.	il giavisch	pp -> la supplica
14.	basta	ff -> sufficientamein
15.	la reussida / il gartetg	cc ss -> il success
16.	bugnar	zz -> sprizzar
17.	il piez	tt -> la scrotta
18.	tgeu	ss -> ruasseivel
19.	la gallaria	nn -> il tunnel
20.	la sfendaglia	ss -> la fessa
21.	la camona	tt -> la hetta
22.	inactiv	ss -> passiv
23.	uorlar	pp -> giappar
24.	ladinamein	mm -> immediatamein

**3. Pensum:** Apostrofescha nua ch'ei fa basegns!

1. L'aua ei in custeivel element. 2. Londa che arriva cul tren stat ina jamna tier nus. Tgisà, sch'igl aug arriva l'ura fixada? 3. Igl emprendist tegn l'aissa encunter la preit. 4. Schegia che nies gat va a palandrond pil contuorn, l'ura dalla tschavera enconuscha el exact e bein. 5. Muort impediments da traffic, arriva il vigiatur ina bun'uriala avon temps sil parcadi. 6. La damaun d'atun cuviera ina spessa brentina la cuntrada. 7. La scolasta manegia che l'Annina fetschi segiramein progress, sch'ella lavuri cuntuadamein vinavon sco entochen ussa. 8. Duront ch'il pastur reparava la seiv, survigilava siu tgaun la muntanera.

**4. Pensum:** cniq?

1. Qual da quels cuntials ei tes? 2. Il pauper cavrer cuora tgei ch'el po suenter sia cauramenta. 3. Miu padrin ha cumprau quei interessant cudisch per mei. 4. Nus mettein adina si cuviarta sin nos cudischs. 5. Miu frar pign ha adina grondas queidas cu el va en stizun cun nossa mumma. 6. Quei alpinist ha gronda curasca d'ascender quei ault cuolm. 7. Il bab enquera la quittanza en truchet da siu pult. 8. La qualitat ei pli impurtonta che la quantitat. 9. Avon quendisch dis ha la mumma cumprau in niev squitschader giu Cuera. 10. Nus encurin nos carnets ed il scolast enquera siu spieghel.

**5. Pensum:** znic

1. Placi less cumprar miu velo da muntogna, mo il prezzi ei memia autls.  
2. Gl'entir meins da zercladur dat ei controlla dalla polizia. 3. Il polizist fa buca grondas ceremonias. 4. Nus vein viu la circulara, ina nova lescha cun bia cefras. 5. Nus stuein veser precisamein tgei ch'ei aunc passabel. 6. Mo cun exercezzi contonschin nus in bien resultat. 7. Quei guoter cuntegn precisamein tschun de ciliters suc da citrona. 8. Tiu concept sur dil schurmetg digl uaul ha interessau tes conscolars. 9. Il concert dalla sonda vargada ha carmalau in grond diember d'auditurs en casa da scola. 10. Per saver salvar pazzas da lavur en la regiun, eis ei impurtont da decentralisar ils uffecis dil cantun.

**6. Pensum:** *Scriva grond!*

1. La sesida dil Cussegl grond ei gest ida a fin.
2. La Higa ha carmalau biars visitaders ella capitala.
3. Numerus visetan la catedrala silla cuort.
4. Mintga Grischun vegn inaga ni l'autra a Cuera.
5. Cheu dat ei il Globus ed il Manor.
6. Savens aud'ins a plidar franzos ni engles sin via.
7. Era ils Romontschs ein representai bein.
8. Cuera ei gie la pli gronda vischnaunca romontscha dil Grischun.
9. Il Radio Romontsch ha sia sedia a Cuera.
10. A Glion e Mustér dat ei posts regiunals dil Radio Romontsch.
11. La Ligia Romontscha ha il pensum d' unir e risguardar tut ils Romontschs da nies Cantun.
12. Oz ei il romontsch periclitatus grondamein.
13. L'influenza dil tudestg ei gronda.



**7. Pensum:** *Enquera plaids ord la medema famiglia!*

	substantivs	verbs	adjectivs
1.	l'actividad	activar	activ
2.	la legria	selegrar	legher
3.	la bassa	sbassar	bass
4.	la lontananza	s'allontanar	lontan
5.	la carezia	carezar	carezont
6.	il carr	carrar	carrabel
7.	il disgust	disgustar	disgustus
8.	la fidonza / la fideivladad	fidar	fideivel / fidont
9.	la fermezia	fermar	ferm
10.	la fidonza / la fideivladad	sefidar	sefidont
11.	la frestgera	frestgentar	frestg
12.	la gloria	glorificar	glorius
13.	la grevezia	engrevegiar	grev
14.	la grondezia	engrondir	grond
15.	la harmonia	harmonisar	harmonic
16.	il gust	gustar	gustus
17.	igl infinit	finir	infinit
18.	gl'interess	interessar	interessant
19.	l'interrupziun	interrumper	interrut
20.	la largia	slargar	lartg / slargont

- 8. Pensum:** *El text suandont anflas ti 10 sbagls ortografics. Sutlingescha els e scriva ils plaids correctamein ella tabella!*

Puspei ella Greina (Ord il Cavalè dalla Greina da T. Halter, ed. 1997)

Onns ein vargai. Ins scriva igl annari 1881. Igl ei stad, stad avanzada che ha mesen verdur ils davos pastgets agl ur dalla neiv perpetna. Bia ei semidau el grond munt, dapi che Battesta Pasqual ei ius l'emprema ga culs cavals ella greina. Il teren alpin denter Péz Terri e Péz Vial ha salvau siu aspect idillig d'antruras. Ella paliu sper la aua flureschan las orchideas selvatgas en cotschnur pompusa, ferton che elllas bleissas la flur steila alva leventa il smarvegl digl egl contemplond. Era ils cavals ein cheu, ils cavals e las nuorsas che gaudan igl arvadi savurus denter la paliu e la gonda. Mo il spaci ei schi vasts ch'ins strusch observa lur preschientscha.

1. mess	2. mund
3. Greina	4. terren
5. Péz Terri	6. idillic
7. l'aua	8. ch'ellas
9. steilalva	10. contemplont

- 9. Pensum:** El text suandont anflas di 10 sbagls ortografics. Sutlingescha els e scriva ils plaids correctamein ella tabella!

Ils luſs vegnan (Ord Culan da Crestaulta da T. Halter, ed. 1997)

El ei ual semenaus entuorn la cantunada che sbucca ella streglia da sia casa paterna, chechina umbriva setta cun tala vehemenza sper el vi ch' el ha tutta breigia da salvar la balontscha. El ha sentiu clar e bein il stausch d' in tgierp massiv a strihontsias combas. Sch'el fuss curdaus per tiara? El ha buca temps da patertgar pli anavon. Avon el stat in luf cun egls sbrinzlonts, pinaus per l'attacca perfida el dies. Omisdus ein surstai, mo Culan ei pli sperts che siu adversari. La mazza da ruver setschenta sillotona dalla bestia, avon che quella vegni da far in segl. In ratg d'agonia tradescha la fin digl animal scarpond. Mo las fridas da Culan crodan aunc sco da scuder sillla massa indistinguibla avon ses peis.

Cheu slueta ina secund'aumbriva tras la streglia, ed il griu che suonda, ei in griu da Culan. Zanua veva l'ustonza ina ruosna – in pal che era marschs – in crap ord siu esser ed il ratg digl animal curdau veva mussau la via al suandont.

1. sbucca	2. ch'ina
3. tutta	4. strihond
5. attacca	6. sillota
7. scarpont	8. schlueta
9. secund'umbriva	10. pal

## 10. Pensum: *dictat da largias*

Igl erizun e la talpa

Sentend igl erizun ch'igl unviern \_\_\_\_\_, roga el la talpa da  
\_\_\_\_\_ albiert ad el en sia tauna, sinaquei ch'el  
\_\_\_\_\_ buca schelar.

La talpa \_\_\_\_\_ la supplica. Mo strusch ch'igl erizun ei en tauna, serasa el  
\_\_\_\_\_, e la paupra talpa sefurava traso vid las  
\_\_\_\_\_ da siu \_\_\_\_\_ cussadent.  
\_\_\_\_\_ ussa vesa la talpa con malprudenta ch'ella ei stada e  
\_\_\_\_\_ d'entellir agl erizun da \_\_\_\_\_ bandunar sia  
avdonza, \_\_\_\_\_ che quella seigi memia stretga  
\_\_\_\_\_ dus dels. Mo \_\_\_\_\_ erizun ri e di: " A tgi  
ch'ei plai \_\_\_\_\_ , quel sa \_\_\_\_\_. Jeu per mia part  
sun fetg \_\_\_\_\_ e stun cheu."

Igl erizun e la talpa

Sentend igl erizun ch'igl unviern **s'approximava**, roga el la talpa da **dar** albiert ad el en sia tauna, sinaquei ch'el **stoppi** buca schelar.

La talpa **ademplescha** la supplica. Mo strusch ch'igl erizun ei en tauna, serasa el **cumadeivlamein**, e la paupra talpa sefurava traso vid las **spinas** da siu **malemporneivel** cussadent. **Pér** ussa vesa la talpa con malprudenta ch'ella ei stada e **dat** d'entellir agl erizun da **immediatamein** bandunar sia avdonza, **pertgei** che quella seigi memia stretga **per** dus dels. Mo **gl'** erizun ri e di: " A tgi ch'ei plai **buca** , quel sa **ir** . Jeu per mia part sun fetg **cuntents** e stun cheu."

**11. Pensum:** *dictat da largias*

Il luf ed il tgaun

In luf \_\_\_\_\_ entaupa inaga in \_\_\_\_\_ tgaun.  
\_\_\_\_\_ il tgaun co il luf admira siu peil neidi, di el: "Ti  
\_\_\_\_\_ esser aschi neidis e bials sco jeu e duvrasses buca  
\_\_\_\_\_. Ti vesse mo da catschar ils \_\_\_\_\_,  
\_\_\_\_\_ la famiglia, suandar tiu patrun \_\_\_\_\_ per  
\_\_\_\_\_. Lu \_\_\_\_\_ ti il meglier  
\_\_\_\_\_. "Quei \_\_\_\_\_ jeu  
\_\_\_\_\_ bugen", rispunda il luf. Cheu vesa el denton las ..... vid il  
culiez dil tgaun e damonda: " Tgei ei quei?" "Oh, nuot pli bia" rispunda il tgaun. Quei ei mo il liug, nua ch'il  
cularin \_\_\_\_\_, cura che jeu sun ligiaus \_\_\_\_\_. La  
cadeina!" "Cu ti eis ligiaus vid la cadeina!" \_\_\_\_\_ Il luf tut  
\_\_\_\_\_. "Quei ei nuot per mei. Jeu stoi ver mia libertad."  
\_\_\_\_\_ el cuora \_\_\_\_\_ uaul.

Il luf ed il tgaun

In luf **sburitschiu** entaupa inaga in **grass** tgaun. **Vesend** il tgaun co il luf admira siu peil neidi, di el: " Ti  
**savesses** esser aschi neidis e bials sco jeu e duvrasses buca **vagabundar**. Ti vesse mo da catschar ils  
**rugadurs**, **flattar** la famiglia, suandar tiu patrun **pass** per **pass**. Lu **havesses** ti il meglier **pavel**. "Quei  
**fagess** jeu detg **bugen**", rispunda il luf. Cheu vesa el denton las **uridas** vid il culiez dil tgaun e damonda:  
" Tgei ei quei?" "Oh, nuot pli bia", rispunda il tgaun. Quei ei mo il liug, nua ch'il cularin **sgurtigia**, cura che  
jeu sun ligiaus **vid** la cadeina!" "Cu ti eis ligiaus vid la cadeina!" **excloma** il luf tut **indignaus**. "Quei ei  
nuot per mei. Jeu stoi ver mia libertad." **Ed** el cuora **egl** uaul.

**12. Pensum:** Cu ni qu? Decida e colurescha il plaid ch'ei secrets corrects!

quintin	cuintin
cutrin	quatrín
qusseida	<b>cusseida</b>
quotidian	cuotidian
cuintar	<b>quintar</b>
cuatier	<b>quatier</b>
quadrat	cuadrat
cuagl	quagl
quescher	cuescher
cuitanza	<b>quittanza</b>
<b>Cuera</b>	Quera
qua	<b>cua</b>
quel	cuel
cuantidad	<b>quantidad</b>
<b>cuar</b>	quar
cual	<b>qual</b>
quacra	cuacra
cuasera	<b>quasera</b>
cuaterfegl	<b>quaterfegl</b>
cuadragena	<b>quadragna</b>
quadratura	cuadratura
cuarz	<b>quarz</b>
quidus	cuidus
raquenta	racuenta
nus encurin	nus enquelin

### 13. Pensum: *La preda*

Quei text cuntegn 20 sbagls. Suttastreha els cun tgietschen e curregia ils plaids! **Noda denton buca dappi che 20 sbagls**, schiglioc piardas ti puncts ! Forsa ha ei era construcziuns senza sbagls!

1. Tochen la fin da november veva quell'aura cu**zau**.
2. Lu, per l'entschatt**a dezember** fuva il drag dil glatscher levaus.
3. Sur notg haveva el empleniu la val cun siu flad**t**freid.
4. La tiara, sbluccada sc'in ies, fuva schelada.
5. Ei era il di avon la naschientscha dil **segner**.
6. Gl'emprem fuva ella curida, perquei ch'ei fageva prescha.
7. Cheu ha zatgei entschiet a barschar giufuns en siu intern.
8. Suenter in'urialla ei il mal denton puspei turnaus.
9. Quella gada ha in fiug **tgaffau** magun, beglia, dir e lom.
10. Las combas han entschiet a trenblar.
11. Era quei ei stau ina bellezia fiasta .
12. Per il sabi vegliuort**t** fuss il viadi staus memia liungs.
13. L'umbriva dils pegns veva lagut**t** siu tgierp talmein ch'el era ners sco la notg.
14. Encunter la damaun vevan els priu cumiau in da l'auter.
15. Il tais tila il nas e svanescha da tauna en.
16. L'uolp ei magari memia marscha da cavar siu staub**b**.
17. Als tais ch'ein fetg schubers animals di**sch**plai il tartignem dall'uolp.
18. Insumma, carezada vegneva l'uolp da negins animals digl Uaul Grond.
19. Sulet ina preit satella da tratsch e sablun sparteva lur combras.
20. Avon la tauna dall'uolp uardava igl ies dil cadaver ord la neiv.

1. november	6. flad	11. combas	16. laguttiu
2. cuzzau	7. Segner	12. tremblar	17. svanescha
3. entschatta	8. currida	13. bellezia	18. staup
4. december	9. uriala	14. vegliuord	19. displai
5. empleniu	10. tschaffau	15. pégns	20. Insumma

**Pemsum 14** *Tgei ch'il camutsch raquenta*

Quei text cuntegn 20 sbagls. Suttastreha els cun tgietschen e curregia ils plaids! Noda denton buca dapli che 20 sbagls, schiglioc piardas ti puncs ! Forsa ha ei era construcziuns senza sbagls!

1. "Vus tartgeis che jeu gaudi si cheu en la muntonga mo bials dis".
2. En tuttas auras stoい jeu star cun mes cumpogns enzanua sut in pegn.
3. Suffel e lavinas scuan la neiv da beinenqual bleissa.
4. Tut auter eis ei denton la primavera e la stat.
5. Il vestgiu stgir d'unviern mettel jeu d'ina vart e tilel en in tgietschen.
6. Con deliziosa ei la larva alpina, con frestga la fontauna dils autls.
7. Tut fui sco il vent tras greppa e sur cavorgias en in liug segir.
8. Ella havess queidas dad in da nos anseuls.
9. Ugegiond ella tuttina neuagiu, havein nus dau schlaffadas.
10. Tuttenina schul'enzatgei cun in schneuezi sgarscheivel tras l'aria.
11. Semper essan nus en prigel.
12. Per ventira cuoza quei buca ditg.
13. Schiolo stuessen an nus tuts a frusta, tgi dall'anguoscha e tgi dils culps.
14. Cheu schula ina muntanialla, lu in'autra.
15. Per ventira havein nus in bien e spess vestgiu che tegn cauld.
16. Biars dils nos han schau la veta en quellas.
17. Lur mummas muossan ad els da siglir d'in grep a l'auter.
18. Allura brattass jeu veta cun negin.
19. In da nus fa guardia osum in grep ni in con.
20. Ils giuvens termaglian e sezaclinan.

1. ."	6. d'ina	11. Ughegiond	16. Schiglioc
2. cumpogns	7. vart	12. slaffadas	17. stuessen
3. pégn	8. deliziosa	13. snuezi	18. muntaniala
4. scuan	9. jarva	14. Semper	19. nos
5. stad	10. queidas	15. prigel	20. termaglian

**Pensum 15:** *Paul Luziet*

Quei text cuntegn 20 sbagls. Suttastreha els cun tgietschen e curregia ils plaids! Noda denton buca dapli che 20 sbagls, schiglioc piardas ti puncs ! Forsa ha ei era construcziuns senza sbagls!

1. Si'occupaziun principala fuva denton la fabricaziun da scuas e scuettas.
2. Siu casetgel consisteva sulettamein ord stiva e cuschina.
3. En in gienà suonda ina frida mortala cun sia toppa dretga giu per la totona.
4. E gia leppa el il saung fimond, litgont mintgaton las levzas.
5. Vesend quella barbaria d'ina mazzacrada sun jeu fugius a casa.
6. Ei veva dau ina féffa neiv, ina bischetta, e nossas cauras eran buca vegnidas.
7. Sia cumparsa era fatscha da bargir dil rir.
8. Sias cauras fuvan la primavera magras sco petgalenns.
9. Paul Luziet teneva adina in purschi ch'el mazzava entuorn buania.
10. El drova nuota passar sco sin ovs per vegnir tut discus da zuler en.
11. Udend la sozietad quels bierls en pegna, bunamein snareschan ils biars.
12. Denton eis ei schluppau ora a Trun, tgi che hagi fatg quellas marletgas.
13. El pren siu fasch si dies e si sur la pund Zignau neuaden tras Trun.
14. El laghegia precautamein da finiastra viaden ed observa il Pieder da Puzzastg.
15. Il Pieder fuva in carstgaun fetg squidus, pir ch'igl ordinari.
16. El anfla per indicau da cuvierer siu tgaublут culla capuza.
17. Cun sia harmonia sut bratsch tuorna Paul Luziet a Caglinatscha.
18. Lez sa buca far auter che crer vid la sentupada cun in fumegl dil giavel.
19. Ei veva dau en freid, leu ils emprems dis da dezember.
20. La fumitgasa tegn enta maun cazzetta e palutta per turschar il saung.

1. occupaziun	6. fimont	11. societad	16. capuza
2. principala	7. litgond	12. schluppau	17. sentupada
3. sulettamein	8. bargir	13. punt	18. december
4. gienà	9. petgalenns	14. laghegia	19. cazzetta
5. lappa	10. Buania	15. scuidus	20. palutta

**Pensum 16:** *La tschuetta medeghescha in camutsch*

Quei text cuntegn 20 sbagls. Suttastreha els cun tgietschen e curregia ils plaids! Noda buca dapli che 20 correcturas, schiglioc piardas ti puncs. Forsa ha ei era construcziuns senza sbagls!

1. Mo l'uolp senteva buca la plievgia e mava di e notg a fuffergn**lond**.
2. La brentina era tschessada e mintgaton penetrava il sulegl la tschagera.
3. "Gie, sche daco encur**rnis** vus igl Uaul Grond ?"
4. La gref**fla** era unflada e tut en in saung encugliau.
5. Gie encqualin pudeva insu**ma** buca ferdar l'uolp.
6. Mo da quei **sempudeva** ella nuotzun.
7. **L**a uolp ha immediat compassiun cun il pauperet.
8. Suenter quels plait**s** trai l'uolp la cua suten ed ei **sch**vanida sc'in cametg.
9. Il tgaper peglia ina detga tema cura ch'el vesa l'uolp.
10. "Fai buca befas, ti striun", lai il melen siglir immediat la chicra... ! "
11. In pign mument ha il tgaper aunc fatg il **tgaumogn**.
12. "Tgei eis ei pomai suc**zediu** che ti fas aschi da stuorn ?"
13. Lu raquenta el tut quei ch'el saveva dils camutschs entras l'uolp.
14. Sinaquei pren ella ord ina ruosna ella preid enzacons feglis secs da **larvas**.
15. Cura che la tschuetta arriva finalmein**nein** tuts leds.
16. Cun ina reverenza rispunda quella il salit**t** da ses cumpogns.
17. Quella sto il camutsch pign laguot**t**ter igl emprem.



1. fuffergnond	6. insumma	11. beffas	16. jarvas
2. tschaghera	7. s'empudeva	12. mellen	17. finalmein, ein
3. encuris	8. l'uolp	13. tgaumogn	18. salid
4. grefla	9. plaids	14. succediu	19. cumpogns
5. enqualin	10. svanida	15. preit	20. laguoter

**Pensum 17:** *Cun ni senza i!*

malegiar: Damaun **malegel** jeu enzatgei per tei! Nus **malegein** mintgamai venderdis suentermiezdì.

pigliar: La polizia ha **pigliau** il cugliun denter Cuera e Sargans. Ti **peglias** buca gronda tema!

sfegliar: Suenter gentar **sfeglia** il tat ella gassetta. Vus stueis **sfegliar** empau per anflar in text adattau!

leger: Il pli bugen **legel** jeu cudischs d'aventuras.

curreger: Il scolast **curregia** il dictat. Nus **curregin** nos pensums da casa.

cuglienar: Nus **cuglienein** magari nossa mumma.  
Buca **cugliuna** tiu frar pign!

gartegiar: Vus **gardegeis** la noda. Jeu hai aunc mai **gartegiau** in da diesch.

baghegiar: Forsa **baghegel** jeu gl'onn proxim mia casa.  
Vus **beghegeis** en in bellezia liug.

magliar: Els **maglian** bugen in meil da pausa.  
Jeu **magliel** bugen verduras.

**Pensum 18:** *La tschuetta medeghescha il tais*

Tschenta ils segns d'interpuncziun!

1. «He stgirat, eis ti?», cloma il tais.
2. «Gie, dunna tais, jeu sun», rispunda il stgirat.
3. «Savesses ti gidar mei?», damonda il tais.
4. «Fetg bugen!», rispunda il stgirat.
5. «Sche fai po schi bien e cloma il tgaper mellen!», di la dunna.
6. «Tgei parler ei cheu?», fa il tgaper.
7. «Ti tgaper», fa il stgirat sigliend neutier ,«ti stos sguar immediat tier la tschuetta!»
8. «Per treis uras sgolet jeu negliu!», fa il tgaper permalaus.
9. «He, tgaper», cloma il stgirat, «fai tuttina buc aschi tup!»
10. «Ussa cala da schar siglir la chicra!», calma il stgirat il schani. «Seigies buca adina aschi sensibels!»
11. «Mei negin che capescha, negin che ha bugen!», rispunda il stgirat.
12. «Sche mo ella sa medegar il pauper tais», di la tscharva , «schiglioc eis el piars.»



**Pensum 19:** *La tschuetta medeghescha il camutsch!*

Tschenta ils segns d'interpuncziun!

1. «Mo buca memia datier!», tratga l'uolp e seferma in tschancun naven dil pégn.
2. «Buca tema, uolp!», di ussa il camutsch che haveva alzau il tgau.
3. «Na», dat ussa il camutsch denteren ,«nus encurin igl Uaul grond.»
4. «Ahal», tratga l'uolp , «cheu ha ei num esser precauta.»
5. «Jeu sai gidar vus», fa l'uolp suenter in mument e vegn neutier.
6. «Spitgei cheu e buca bandunei quei liug!», camonda ussa l'uolp , «jeu mon ad encurir il tgaper mellen.»
7. «Na, na, mo buca tgapers! Ni ners ni mellens!», cloma il menader dils camutschs tut alteraus, «nus lein la tschuetta!»
8. «Matei che la tschuetta vegn!», ri l'uolp, «il tgaper ei nies currier.»
9. «Bien di tgaper, miu bi. Jeu hai disturbau tes dultschs siemis», fa l'uolp da quei lom.
10. «Lein schar quei sepiclem!», dat l'uolp denteren, «ti stos gidar meil!»
11. «Schia, era aunc quei!», sevila il tgaper.
12. «Cala ussa dad esser aschi permalaus! Quei survetsch fas ti buca a mi», quietescha l'uolp il schani.
13. «Cheugiu egl uaul schai in camutsch blessaus che drova immediat igl agid dalla tschuetta», raquenta l'uolp.

